

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1707392383, 1707363288 և 1707371719 որոշումների հիմքում դրված փաստական հանգամանքների դեմ բերված գանգատն առանց բավարարման թողնելու մասին

<< 28 >> 02 2018թ. 17-4-14731-12 / 174-3099

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Քաջիկ Երեմյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Դավիթաշեն 1-ին թաղամասի 34 շենքի 3 բնակարանի բնակիչ Քաջիկ Երեմյանը դիմումով հայտնել է, որ 19.12.2017թ-ին՝ ժամը 02:58-ին, 03:00-ին և 03:03-ին քաղաքացի Նվարդ Մկրտչյանին պատկանող <<CHRYSLER>> մակնիշի 34CC996 հաշվառման համարանիշի տրանսպորտային միջոցը վարել է ինքը, ուստի խնդրել է անվավեր ճանաչել տվյալ ժամանակահատվածում կատարված երթևեկության կանոնների խախտման համար կայացված Ճանապարհային ոստիկանության վարչական տույժ նշանակելու մասին թիվ 1707392383, 1707363288 և 1707371719 որոշումները՝ նշելով որ իրավախախտումները կատարել է Հարություն Զուրաբյանին հիվանդանոց տեղափոխելու ճանապարհին:

Դիմումին կից ներկայացվել է <<Արմենիա>> Հանրապետական բժշկական կենտրոնի կողմից 24.01.2018թ. տրված թիվ 15 տեղեկանքը:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն՝ Քաջիկ Երեմյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին վերը նշված որոշումներն օրինական են և հիմնավոր հետևյալ պատճառաբանությամբ.

Համաձայն դիմումին կից ներկայացված <<Արմենիա>> Հանրապետական բժշկական կենտրոնի կողմից 24.01.2018թ. տրված թիվ 15 տեղեկանքի և Քաջիկ Երեմյանի կողմից Ճանապարհային ոստիկանությունում տրված բացատրության՝ Հարություն Զուրաբյանը 19.12.2017թ-ին վերոնշյալ բուժհաստատություն է տեղափոխվել շտապբուժօգնության ավտոմոբիլով, ուստի տվյալ իրավիճակում առկա չի եղել անձի առողջությանը սպառնացող մի այնպիսի վտանգ, որը հնարավոր չլիներ կանխել առանց իրավախախտում կատարելու, այսինքն առկա չի եղել իրավախախտումը կատարելու ծայրահեղ անհրաժեշտությունը:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Քաջիկ Երեմյանի՝ Ճանապարհային ոստիկանության վարչական տույժ նշանակելու մասին թիվ 1707392383, 1707363288 և 1707371719 որոշումների հիմքում դրված փաստական հանգամանքների դեմ բերված գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Քաջիկ Երեմյանի անվամբ կայացնել նոր վարչական ակտեր:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Քաջիկ Երեմյանին և ՀՈ ՏՄՀԽԱ կենտրոն:

Մկրտչյան



Ե.Կարապետյան